

**Авлоқулов А. – ТМИ, катта илмий  
ходим-изланувчи, и.ф.н.**

## **МОЛИЯВИЙ ҲИСОБОТНИНГ ХАЛҚАРО СТАНДАРТЛАРИДА МОЛИЯВИЙ НАТИЖАЛАР КЎРСАТКИЧЛАРИНИ АКС ЭТТИРИШ ХУСУСИЯТЛАРИ**

Мақолада молиявий ҳисботнинг халқаро стандартлари асосида моливий натижалар тўғрисидаги ҳисботни тузиш тартиби келтирилган. Шунингдек, молиявий ҳисботни тузишида миллий ва халқаро тажриба таҳлил қилинган.

**Таянч сўзлар:** молиявий ҳисбот, молиявий ҳисботнинг халқаро стандарти, молиявий натижалар тўғрисида ҳисбот, ялпи даромад тўғрисида ҳисбот, даромад, харажат.

В статье приведено порядок составления отчета о финансовых результатах на основе международных стандартов финансовой отчетности. А также, анализировано национального и международного опыта при составление финансового отчета.

**Ключевые слова:** Финансовая отчетность, международные стандарты финансовой отчетности, отчет о финансовых результатах, отчет о совокупном доходе, доход, затрат.

In the article given the procedure for drawing up a report of financial results based on international financial reporting standards. Also, analyzed national and international experience in the preparation of the financial report.

**Keywords:** Financial statement, international financial reporting standards, income statement, statement of total income, income, expenses.

Республикамида корпоратив бошқарув принциплари тўла-тўқис жорий этилиши учун халқаро талабларни ҳисобга олган ҳолда акциядорлик жамиятларида корпоратив бошқарув тизимишинг самарадорлигини ошириш, шунингдек, уларнинг инвестиция жараёнларида ҳамда иқтисодиётдаги таркибий ўзгаришларни амалга оширишда кенг иштирокини таъминлаш бугунги кунда долзарб масалалардан биридир. Бу борада Ўзбекистон Республикасининг Биринчи Президенти И.Каримов томонидан 2015 йил 24 апрелдаги “Акциядорлик жамиятларида замонавий корпоратив бошқарув услугларини жорий этиш чора-тадбирлари тўғрисида”ги ПФ-4720 Фармонининг қабул қилиниши акциядорлик жамиятлари фаолиятини ривожлантиришда муҳим ҳисобланади. Ушбу Фармоннинг 8-бандига мувофиқ “Акциядорлик жамиятлари фаолиятининг очиқлигини ошириш, улар томонидан халқаро стандартлар асосида аудит ва молиявий ҳисбот ахборотини нашр қилиш” [1] белгилаб қўйилган. Бу ҳолат ўз-ўзидан акциядорлик жамиятларида халқаро стандартлар асосида молиявий ҳисботларни нашр қилиш ва халқаро аудит стандартлари асосида аудиторлик текширувларини ўtkазишни талаб қиласди.

Халқаро стандартлар асосида тузиладиган молиявий ҳисоботлар ташкилотни самарали бошқаришда зарур ҳисобланади. Халқаро стандартларга ўтишдан асосий мақсад халқаро бозорга чиқиш ҳамда инвестицияларни жалб этишидир. Шунингдек халқаро стандартлар мамлакат иқтисодиётини сифат жиҳатдан ривожлантиришга ҳам муҳим ҳисса қўшади. Бу жараёнда қулай инвестицион муҳит, компаниялар фаолияти очиқлиги, бошқарувнинг акциядорлар олдидағи ҳисобдорлиги, корпоратив бошқарувнинг замонавий услугларининг жорий қилиниши акциядорлик жамиятларининг ривожланишига муҳим ҳисса қўшади.

Бухгалтерия ҳисобида кейинги йилларда бўлаётган ўзгаришларни тадқиқ қилиш ҳозирда бу жараён молиявий ҳисоботнинг халқаро стандартларига мослашаётганлигини кўрсатмоқда. Ўзбекистон Республикасининг “Бухгалтерия ҳисоби тўғрисида”ги Қонунининг 2-моддасида ҳам халқаро ҳужжатларга амал қилиш белгилаб қўйилган: “Бухгалтерия ҳисоби тўғрисидаги қонун ҳужжатлари ушбу Қонун ва бошқа қонун ҳужжатларидан иборатdir. Агар Ўзбекистон Республикасининг халқаро шартномасида Ўзбекистон Республикасининг бухгалтерия ҳисоби тўғрисидаги қонун ҳужжатларида назарда тутилганидан бошқача қоидалар белгиланган бўлса, халқаро шартнома қоидалари қўлланилади” [2].

Молиявий ҳисоботларга қўйиладиган талаблар “Молиявий ҳисоботларни тақдим қилиш” номли 1-сон молиявий ҳисоботнинг халқаро стандартлари (МҲҲС)да келтириб ўтилган. Халқаро стандартларга қарайдиган бўлсак, ташкилот ҳисоботи бухгалтерия ҳисоботи эмас, молиявий ҳисобот деб номланади. 1-сон МҲҲСга киритилган охирги ўзгаришларга назар ташлайдиган бўлсак, “Фойда ва заарлар тўғрисидаги ҳисобот” “Ялпи даромад тўғрисидаги ҳисобот”га алмаштирилганлигига гувоҳ бўламиз.

1-сон МҲҲСнинг 7-бандига мувофиқ, умумий ялпи даромад деганда таъсисчилар билан боғлиқ операциялар натижасида юзага келадиган ўзгаришлардан фарқли равишда амалга оширилган операциялар ва бошқа ҳодисалар натижасида хусусий капиталдаги ўзгариш тушунилади. Бошқа ялпи даромад деганда фойда ёки заар деб тан олинмайдиган даромад ва харажатлар (шу жумладан қайта таснифланган тузатишлар) тушунилади. Бошқа ялпи даромадга “Молиявий ҳисоботларни тақдим қилиш” номли 1-сон МҲҲСга мувофиқ қуйидагилар киради: “Асосий воситалар” номли 16-сон МҲҲС ва “Номоддий активлар” номли 38-сон МҲҲСга мувофиқ қайта баҳолаш натижалари; “Молиявий ҳисоботларни тақдим қилиш” номли 1-МҲҲСга мувофиқ пенсия тўловлари бўйича актуар фойда ва заарлар; “Валюта курси ўзгаришларининг таъсири” номли 21-сон МҲҲСга мувофиқ хориждаги фаолият бўйича молиявий ҳисобот моддаларини қайта ҳисоб-китоб қилиш натижасида юзага келган фойда ва заарлар; “Молиявий инструментлар: тан олиш ва баҳолаш” номли 39-МҲҲСга мувофиқ қайта сотиш учун мавжуд бўлган молиявий активларни қайта баҳолаш натижасида фойда ва заарлар; пул оқимларини хеджирлаш натижасида хеджирлаш воситаси бўйича фойда ва заарлар.

1-сон МҲҲСга мувофиқ фойда ёки зарур умумий даромаддан бошқа ялпи даромадлар компонентларини инобатга олмаган ҳолда харажатлар айрмасини ўзида ифода этади. Юқоридагидан келиб чиқсан ҳолда шундай тўхтамга келиш керакки, жами ялпи даромад 1-МҲҲСга мувофиқ ҳисбот даврида молиявий натижалар таркибида ҳисобга олинган хусусий капиталдаги ўзгаришлар (мулкдорлар билан боғлик операциялар инобатга олинмаган ҳолда), шунингдек капитал (даромад ва харажатлар таркибида акс этмаган) таркибида тан олинган ўзгаришлар йифиндисидир. Мулкдорлар билан боғлик операциялар инобатга олинмаган ҳолдаги капиталдаги ўзгаришлар 1-сон МҲҲСга мувофиқ бошқа ялпи даромадлар дейилади. Фойда ва заарлар дейилганида ташкилотнинг ҳисбот давридаги молиявий натижаси тушунилади.

1-сон МҲҲСда келтирилган атамалар баъзида бир-бирини инкор этиши мумкинлигини пайқаш мумкин. Масалан, 1-сон МҲҲСнинг “Тамойиллар” номли концептуал асос бўлимида **даромад** тушунчasi бу ҳисбот даврида иқтисодий фойдани активлар оқими ёки кўпайиши шаклида ўсиши ёки пассивларни қатнашчиларнинг капиталдаги омонатларидан фарқ қилувчи ўсишига олиб келувчи камайишидир тушунилади.

**Харажат** эса ҳисбот даврида иқтисодий фойдани активларнинг чиқиб кетиши ёки улардан фойдаланиш шаклида камайиши, шунингдек, қатнашчилар ўртасида капиталнинг камайишига олиб келувчи мажбуриятларнинг юзага келишидир [3, 35].

Шундай қилиб, даромад дейилганида капиталнинг ижобий кўпайиши тушунилади. Шу билан биргаликда 1-сон МҲҲСга мувофиқ жами ялпи даромад дейилганида хусусий капиталнинг кўпайиши тушунилади, бошқа ялпи даромад дейилганида нафакат даромадлар, балки фойда ва заарлар таркибида тан олинмаган харажатлар ҳам тушунилади. Ҳақиқатан ҳам ҳисбот даврида капиталнинг камайиши (масалан, узок муддатли активларни қайта баҳолаш бўйича салбий фарқ) юзага келиши мумкин. Капиталнинг ушбу тарзда камайишини ялпи даромаднинг камайиши деб бўлмайди, шунингдек, капиталнинг узок муддатли активлар қиймати ҳисобига камайишини бошқа ялпи даромад деб бўлмайди. Аммо 1-сон МҲҲСда қўлланиладиган атамалар хусусий капиталнинг мазкур ўзгаришини шундай тавсифлашни тақозо этади.

Шунингдек, МҲҲСда фойда ва заарлар хусусида ҳам ғализ тушунча берилган. Фойда ва заар тушунчалари 1-сон МҲҲСда бошқа ялпи даромад тушунчasi орқали очиб берилган: бу жами даромаддан бошқа ялпи даромад компонентларини инобатга олмаган ҳолда харажатларнинг айрмасидир.

1-сон МҲҲСда мунозарали ҳолатлар бўлишига қарамасдан хўжалик юритувчи субъектлар ҳисботда нафакат даромад ва харажатлар хусусидаги ахборотларни, балки хусусий капиталдаги ўзгаришларни ҳам акс эттириши керак. 1-сон МҲҲСга мувофиқ даромад ва харажатларни акс эттиришнинг иккнишни мавжуд: улардан биринчиси ялпи даромад тўғрисидаги ҳисботда; иккинчиси иккита ҳисботда – фойда ва заарларнинг компонентларини акс эттирувчи ҳисбот (фойда ва заарлар тўғрисидаги ҳисбот) ҳамда фойда ва

зараарлардан бошланиб, бошқа даромадлар компонентларини акс эттирувчи ҳисобот (ялпи даромад түғрисидаги ҳисобот) [4, 21].

Ўзбекистон Республикаси бухгалтерия ҳисоби амалиётига эътибор қиласиган бўлсақ, ҳозирги қунда Ўзбекистон Республикаси Молия вазирлигининг 2002 йил 7 февралдаги 31-сон буйруги билан тасдиқланган “Молиявий ҳисобот шаклларини тўлдириш бўйича қўрсатмалар”га биноан факатгина “Молиявий натижалар түғрисидаги ҳисобот” тузилади, “Ялпи даромад түғрисида ҳисобот” кўзда тутилмаган. Молиявий ҳисботнинг халқаро стандартларига кўра “Ялпи даромад түғрисида ҳисобот”ни тузиш белгилаб қўйилган бўлса-да, аммо унинг аниқ шакли келтирилмаган. Корхоналар ушбу ҳисботни мустақил равишда тузишлари келтирилган. Мазкур ҳисботда қўрсатиладиган минимум талаблар қўйидагилардир:

- Тушум;
- Молиялаштириш бўйича харажатлар;
- Уюшган корхоналар ёки ҳамкор корхоналар фойдаси ва заарида ташкилотнинг улуси;
- Солик бўйича харажатлар;
- Тўхтатилган фаолиятда солик тўлангандан кейинги фойда ва зарар;
- Умумий ялпи даромад ва бошқалар.

1-жадвалда “Молиявий натижалар түғрисидаги ҳисобот” билан молиявий ҳисботнинг халқаро стандартлари асосида тузиладиган ҳисботни таққослама маълумотлари келтирилган.

#### *1-жадвал*

### **МХХС асосида тузиладиган “Ялпи даромад түғрисидаги ҳисобот” ва БХМС асосида тузиладиган “Молиявий натижалар түғрисидаги ҳисобот” моддаларининг қиёсий таҳлили**

<b>1-сон МХХС тавсияси</b>	<b>Ўзбекистон Республикаси Молия вазирлигининг 2002 йил 7 февралдаги 31-сон буйруги</b>
Тушум	Маҳсулот сотишдан соф тушум
Молиялаштириш бўйича харажатлар	Сотилган маҳсулот (товар, иш ва хизмат) ларнинг таннархи, Сотиш харажатлари, Маъмурӣ харажатлар, Бошқа операцион харажатлар, Келгусида соликка тортиладиган базадан чиқариладиган ҳисбот даври харажатлари
	Асосий фаолиятнинг бошқа даромадлари
	Асосий фаолиятнинг фойдаси (зарари)
Солик бўйича харажатлар	Фойда солиги
	Фойдадан бошқа соликлар ва йигимлар
-	Солик тўлангана қадар фойда
Сотиш харажатлари, активларнинг чиқиб кетиши ёки жорий қиймат бўйича баҳолаш натижасида тўхтатилган фаолият бўйича солик тўлангандан кейин қоладиган фойда ёки зарар	
Фойда ёки зарар	Ҳисбот даврининг соф фойдаси (зарари)
Ялпи даромаднинг ҳар бир компоненти	-
Улушли қатнашиш ҳисоби усули бўйича бошқа ялпи даромадда уюшган ёки ҳамкор	

ташкилотларнинг улуси	
Жами ялпи даромад	
Назорат қилинмайдиган улушли қатнашиш ва бош компания таъсисчиларига тааллуқли фойда ёки зарар ва жами ялпи даромад	

Юқоридаги жадвалдан кўриниб турибдики, МҲҲС ва БҲМС асосида тузилган “Ялпи даромад тўғрисидаги ҳисобот” ва “Молиявий натижалар тўғрисидаги ҳисобот” моддалари бир-бирига тўлиқ тўғри келмайди. Масалан, “Молиявий натижалар тўғрисидаги ҳисобот”да акс этган сотилган маҳсулотнинг таннархи, сотиш харажатлари, бошқарув харажатлари моддалари МҲҲСга кўра молиялаштириш харажатлари деб келтирилган. МҲҲСда харажатларни уларнинг характеристери ва тайинланишига кўра акс эттирилиши белгиланган бўлса-да, аммо “Ялпи даромад тўғрисидаги ҳисобот”да харажатлар тоифалари кўрсатилмаган.

МҲҲС ва БҲМС асосида тузиладиган ҳисботнинг асосий фарқли жиҳати, “Улушли қатнашиш ҳисоби усули бўйича бошқа ялпи даромадда уюшган ёки ҳамкор ташкилотларнинг улуси” ва “Назорат қилинмайдиган улушли қатнашиш ва бош компания таъсисчиларига тааллуқли фойда ёки зарар ва жами ялпи даромад” моддалари миллий амалиётда мавжуд эмас. Бу эса ташкилот консолидацияланган эмас, балки оддий ҳисботни шакллантиришига олиб келади.

Шунингдек, “Сотиш харажатлари, активларнинг чиқиб кетиши ёки жорий қиймат бўйича баҳолаш натижасида тўхтатилган фаолият бўйича солиқ тўлангандан кейин қоладиган фойда ёки зарар” моддаси миллий стандартда мавжуд эмас. Бунинг асосий сабаби миллий амалиётда “Сотиш учун мўлжалланган узок муддатли активлар ва тўхтатилган фаолият” номли халқаро стандартнинг ўхшаши мавжуд эмас.

2-жадвалда миллий ва халқаро стандартлар бўйича тузиладиган ҳисботларни тартибга солиш тизими таққосланган.

## 2-жадвал

### **Молиявий натижалар тўғрисидаги ахборотларни ўз ичига қамраб оловчи миллий ва халқаро стандартлар бўйича тузиладиган ҳисботларни тартибга солиш тизими қиёсий таҳлили**

Таққослаш белгиси	Ўхшашилик	Фарқли жиҳатлар
Ҳисботнинг номланиши	Ўхшашилик мавжуд эмас	МҲҲС бўйича “Ялпи даромад тўғрисида ҳисобот” БҲМС бўйича “Молиявий натижалар тўғрисида ҳисобот”
Ҳисботнинг тайинланиши	Ташкилотнинг асосий ва бошқа фаолиятлари бўйича даромад, харажат ва молиявий натижаларини акс эттиради	МҲҲСда жами ялпи даромад тўғрисида қўшимча маълумот талаб этилади
Тақдим этишининг мажбурийлиги даражаси	Молиявий ҳисбот таркибида мажбурий ҳисобланади	-
Ҳисбот шаклини тартибга солиш даражаси	Миллий стандартда шаклни тўлдиришга қатъий талаб қўйилган	Халқаро стандарт бўйича батафсил ҳисботни тузиш мумкин
Ҳисботнинг тузилиши	Мажбурий тарзда очиб	Баъзи моддалар бўйича

	бериладиган моддалар мос келади	фарқлар мавжуд
Харажатлар тўғрисидаги маълумотларни очиб бериш усуллари	Харажатларнинг тайинланишига кўра таснифлаш усули	МХХС бўйича 2 хил усул мавжуд: харажатларнинг характеристирига тайинланишига кўра

Халқаро стандарт талаби билан тузиладиган ҳисоботларда харажатларни икки хил усулда таснифлаш тавсия этилади: харажатларнинг характеристирига тайинланишига кўра. Харажатлар характеристига кўра амортизация, иш ҳақи, транспорт харажатлари ва бошқа харажатлар сифатида таснифланади. Тайинланишига кўра харажатлар уларнинг функцияларига кўра таснифланади, таннарх харажатлари, маъмурий харажатлар, сотиш харажатлари ва бошқаларга ажратилган. Миллий стандартда эса уларнинг фақат тайинланишига кўра таснифланган.

Халқаро стандарт талабларига кўра тавсия этилган иккита ёндашув молиявий натижалар таркибида харажатлар турлари бўйича салмоғини янада аниқроқ ифодалаш мумкин бўлади. Демак, халқаро стандарт харажатларни характеристири бўйича таснифлашни муҳим деб ҳисоблайди, тайинланишига кўра харажатларнинг таснифланиши қўшимча маълумот сифатида очиб берилиши керак.

Юқоридаги жадваллар маълумотларидан умумий хулоса сифатида шуни таъкидлаш жоизки, миллий ва халқаро стандартлар бўйича ҳисбботларнинг тузилиши ва мазмуни бўйича фарқли жиҳатлар кўп.

Акциядорлик жамиятларида даромад ва харажатларни шакллантириш услугияти улар томонидан тузиладиган ҳисббот моддалари таркиби ва мазмуни билан бевосита боғлиқ. Акциядорлик жамиятларида молиявий ҳисбботнинг халқаро стандарти №1 (IAS) “Молиявий ҳисбботларни тақдим қилиш”, молиявий ҳисбботнинг халқаро стандарти №33(IAS) “Акцияга тўғри келадиган фойда”, молиявий ҳисбботнинг халқаро стандарти №2 (IFRS) “Акциялар бўйича тўловлар” стандартларига мувофиқ акциядорлик жамиятларининг молиявий ҳолат ва ялпи даромад тўғрисидаги ҳисбботлар, акциялар бўйича тўловлар, соф фойданинг тақсимланиши каби масалаларни ўз ичига олади.

Шундай қилиб, ушбу молиявий ҳисбботнинг халқаро стандартлари ва бухгалтерия ҳисбенинг миллий стандартларига мувофиқ тайёрланган ялпи даромад тўғрисидаги ҳисббот шакли акциядорлик жамиятлари фаолиятининг молиявий натижалари кўрсаткичларини шакллантиришнинг муҳим манбай ҳисбланади. Ушбу ҳисббот даромадлар манбаларига қараб таснифланадиган олинган даромад гурухлари ва тегишли харажатлар гурухлари ўртасидаги нисбат принциплари асосида тузилади.

## **АДАБИЁТЛАР РЎЙХАТИ**

1. Ўзбекистон Республикаси Президентининг 2015 йил 24 апрелдаги “Акциядорлик жамиятларида замонавий корпоратив бошқарув услубларини жорий этиш чора-тадбирлари тўғрисида”ги ПФ-4720 Фармони. [www.lex.uz](http://www.lex.uz)
2. Ўзбекистон Республикасининг “Бухгалтерия ҳисоби тўғрисида”ги Қонуни. Ўзбекистон Республикаси қонун ҳужжатлари тўплами, 2016 й., 15-сон, 142-модда.
3. Штурмина, О. С. Международные стандарты учета и финансовой отчетности: учебное пособие. – Ульяновск : УлГТУ, 2010. – 247 с.
4. Международные стандарты финансовой отчетности: учебное пособие/ коллектив авторов ; под ред. Н.Г. Сапожниковой. — М. : КНОРУС, 2016. -368 с.